

SARS YI AMUKELA XILERISO XA LE KHOTO LEXI XAKELANAKA NA ENGETELO WA MPIMO WA VAT LEXI TIVISIWEKE HI NTIYISO KU TA SUNGULA KU TIRHA HI TI1 MUDYAXIHI 2025

Tshwane, 27 Dzivamisoko 2025 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u amukela ntwanano exikarhi ka mavandla na xileriso xa khoto eka mhaka leyi xakelanaka na engetelo wa yuniti ya phesenteji ya 0.5 eka xibalo xa mixavo (VAT) lowu tivisiweke hi ntiyiso ku ta sungula ku tirha hi ti1 Mudyaxihi 2025, xikan'we na timhaka tin'wana.

Lexi i xileriso xa nkoka lexi nyikaka nhlamuselo eka SARS ku lawula hi vuswikoti no hetiseka ka Nawu wa VAT. Xi tlhela xi va na xitandzhaku xo koteka eka vatirhisi na van'wamabindzu va VAT lava nga na matimba mo fambisa VAT. Leswi i:

- Xileriso xa khoto xi yimisa engetelo wa yuniti ya phesenteji ya 0.5 lowu tivisiweke hi ntiyiso ku ta sungula hi ti1 Mudyaxihi 2025 naswona ku na, kwalaho, a ku na tshaku eka van'wamabindzu va VAT ku tirhisa engetelo wa mpimo wa VAT.
- Van'wamabindzu hinkwavo va hlohloteriwa ku hundzuluxa hi vuntshwa tisisiteme ku tlhelela eka 15%.
- Vatirhisi hinkwavo va hlohloteriwa ku tiyisisa leswaku va hakerisiwa mpimo wa VAT lowu lulameke wa 15%. Eka xiyimo lexi nga languteriwangi laha va hakerisiweke 15.5%, vatirhisi va fanele ku tivisa n'wamabindzu no tiyisisa leswaku leswi swi ololoxiwa eka ndhawu ya nxaviso kumbe hi ntwanano wa matlhelo mambirhi.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.